

Universitätsbibliothek Paderborn

Unius Necessarii pars ...

Appendix Unius Necessarii, Summatim recolligens - firmiusque constabiliens, explicatam in toto illo opere in deo vivendi rationem. Copioso totius operis, &memorabilium in eo rerum indice ad calcem adjecto ; Italice primo vulgatum [et] Latine nunc redditum

Rogacci, Benedetto

Pragae, 1721

Caput IX. De tertio instrumento, quod est, sancta desideria, & semel conceptam Deo penitùs serviendi voluntatem crebrò instaurare.

[urn:nbn:de:hbz:466:1-54520](#)

CAPUT IX.

De tertio instrumento, quod
est sancta desideria, & semel con-
ceptam DEO penitus serviendi
voluntatem crebro instaurare.

In situm à natura est omnibus, qua
impulso violento, & propensi-
nibus suis contrario moventur,
lentiore paulatim, & lentiore
motu ferri, donec ab eo prorsus deficiant:
quamobrem ut hic duret, qualis initio fui
celer, & validus, non sufficit semel eum ex-
citasse; sed necesse est, ut aliis novisq; impulsi-
bus excitetur. Jam verò hominis animam,
mortali adhuc corpore inclusam, tota men-
te, ac voluntate in DEUM ferri motus est
cum terrenis vitiæ illius naturæ propensi-
nibus pugnans, neque aliunde, quam à su-
pernaturali aliquo impulso cieri potest; qua-
propter, licet videatur persæpe rapidissimo
impetu ad cælestè illud suum objectum assur-
gere, & sensibilium quarumvis rerum imme-
mor, nihil præter ipsum anhelare, nullo nisi
ipsius desiderio & amore succendi; nihilo-
minus, quia tales motus nativæ illius ad ima-

pro-

pronitati adversantur , nisi ab altiori illo principio, à quo primùm in sublime acti sunt, nova identidem virium supplementa recipiant, quantò ulteriùs progrediuntur, tanto magis semper solent languescere , quoad contrario naturæ nisu penitus prævalente, cursum retro avertant, & infelicem animam , post breve in superna iter , humi rursum depontant.

2. Cùm igitur fieri minimè possit, ut quisquam vel magnos processus in perfectionis curriculo habeat, sinè ardenti desiderio , & certa voluntate totum DEO se se impendendi ; vel tales affectus diu in corde retineat, nisi eos sedulò, & frequenter instaurare contentat ; manifestò hinc consequitur , quantæ nobis curæ est amplior usque, & amplior in perfectione progressus , tantæ itèm debere esse studium reiterandi , quàm creberrimè , effacissimèque id genus desideria , & decreta. Adeò ut illa , nihil præter DEUM in pretio habendi, & amandi, nihilque, quod DEO placeat , non promptissimè efficiendi voluntas , qua illi servire cœpimus , nunquam deficiat ; aut minuatur; sed in quavis temporum, locorum, occupationum, socrorum , atque eveniuum diversitate, solida, integra , suique simili-

lis perseveret, imò etiam ad majora semper proficiat ardoris, viriūmque incrementa, qualem esse D. Antonius in spiritualibus suis alumnis volebat: commendans iis etiam, atque etiam, ut, quantum animi, vigoris, & alacritatis inter divini famulatūs primordia olim sensissent, tantumdem, imò & amplius, in quolibet dierum subsequentium pergerent sentire. *Hoc sit primum cunctis in commune mandatum (ajebat ille) neminem in arrepti propositi vigore lassescere, sed quasi incipientem debere semper augere, quod cœperit.* Quod etiam iisdem paulò ante suum obitum, quasi supremæ voluntatis suæ testificationem, in hæc verba repetiit: *Ego quidem, Filioli, secundum eloquia scripturarum, patrum ingredior viam. Sed vos, o viscera mea, moneo, nè tanti temporis laborem repente perdatis. Hodie vos religiosum studium arripiisse arbitremini, & cœptæ voluntatis fortitudo succrescat.* Hæ porrò spiritualis fervoris, studiique renovationes plurium sunt temporum: aliæ nimirum quotidianæ, aliæ hebdomadariæ, aliæ menstruæ, aliæ annuæ, & aliæ demum cuilibet tempori aptæ, quo extraordinaria, & peculiaris urgeat earum necessitas. Déque illis juxta ordinem, quo commemoratae sunt, nos hic agere ingredimur: tamquam

Q

quam

quam de exercitio mirè efficaci, imò etiam necessario, ad æquabiles, & perpetuos in di-
vino famulatu progressus.

3. Primæ, tanti inter cæteras omnes mo-
menti, ut si rite peragerentur, vix aliâ ul-
lâ opus foret; ex sunt, quibus quotidie tum
primo manè, tum meridie, tum vesperi, tum
initio particularis operis uti debeimus, ad no-
vum toties in perfectionis via resumendum
vigorem, ac spiritum. Quemadmodum igi-
tur sol, ab ortu consurgens, reiterat quovis
manè nihilo minus post tot sæculorum curri-
cula indefessus, atque alacer, quām si tunc pri-
mò auspicaretur, diurnum suum iter; sic
quisque etiam spiritualium virorum debet
sub diei exortum hilari animo è strato con-
surgere, & *exultare ut gigas ad currēdā viam:*
revocando in memoriam, novum hunc sibi
diem concedi, non ut illum juxta genii sui
propensiones in præsentis vitæ bonis aucu-
pandis expendat; sed ut in omnibus volun-
tatem DEI exequens, cum terrenis cupidita-
tibus continenter depugnans, & quām plu-
rimos virtutum actus exercens, sempiternæ
beatitatis suæ censum novis lucris amplificet:
ac proinde tunc idoneas habiturum se causas,
inter faustissimos vitæ dies eum recensendi,

non

nōn si perfecta in eo utatur valetudinē , plē-
nam rerum suarum approbationem ab homi-
nibus referat , & omnia sibi ad votum succe-
dant ; sed si illam sanctē traduxerit , & peram-
plam offerri ab eo sibi viderit patiënti , hoc
est nova apud DEUM merita cumulandi ma-
teriem , seu causā eventuum , qui consiliis suis
adversantur , seu per dolores corpus crucian-
tes , sive per injurias , per quas inhonoratur .
His commemoratis , reliquum erit , ut pristi-
nam perfectè DEO serviendi voluntatem
quām efficacissimē instauret , statuens apud se
ipsum , nihil eo die , præter DEUM , quæque
DEUS vult , diligere , nusquam alibi , nisi in
actibus DEO placitis occupari , nihilque im-
pensiūs quærere , seu libentiūs amplecti , quām
res nativo suo sensui contrarias : utpote quæ
& locupletiorum in cælo quæstuum occasio-
nem suppeditant ; & quantò à sui amore ma-
gis avellunt , tantò habiliorem fingunt ad
perfectam conjunctionem cum DEO .

4. Dicat itaque , sed ex intimo animi sen-
si : euge , surgamus strenuè , & alacriter ! DE-
US hunc nobis diem novum largitur , ut trans-
igamus illum *in sanctitate , & justitia coram ipso* .
Ita planè , hac una de causa illum nobis largi-
tur : fixūmque , ac deliberatum mihi est , hoc

uno illum pacto traducere; & quidem exactius, quam illum huc usque alium traduxerim. Hic certe erit dies maximè omnium, quos retro egi, à culpis integer, meritorum locuples, insignis virtutibus, divino amore flagrans, sanctusque, & DEO placens. Nihil mihi habendum præ oculis, amandumque in eo est, quam DEUS, ac sanctissima ejus voluntas. Ideoque per totum hunc diem cavebo, tamquam à peste, & pernicie, ab omni sive externo, sive interiori actu, qui vel levissimè ipsi queat displicere. Quidquid facendum mihi erit, ex integerrimo ejus amore, cùmque summa accuratione & præstantia facere enitar. Nulla exercendæ seu humilitatis, seu mortificationis, seu charitatis erga proximos, seu alterius virtutis se præbebit occasio, quin eam cupidissimè arripiam. Sed in primis conabor, tam secundum mentem, quam secundum voluntatem DEO semper adhærere, eum ubique præsentem aspiciens, quæcumque agam, ipsi offerens, de singulis, quæ obversantur, atque eveniunt, cum eo differens, ab eoque uno meorum omnium sensuum, judiciorum, atque affectuum regulam sumens. Hæc profectò unica est ratio, præsentem diem rectè, utiliterque exigendi. Hæc

vitæ

vitæ illa species , quam toties inter orandum
palam agnovi , & fassus sum , cuicunque alteri
æquitate , sanctimonia , & jucunditate ante-
cellere . Hæc , juxta quam in morte , quæ for-
san è propinquo imminet , quemvis dierum
lætabor traduxisse . Nè multis: hoc pacto , si-
ve humanæ , seu divinæ rationes spectentur ,
vivendum mihi est : & hujusmodi vitam ho-
die capessere , quæcunque demum difficulta-
tes se objiciant , certissima destinatione apud
me statui : incipiendo à meditatione , quam
aggressurus jam jam sum , & studendo , in ea at-
tentius , fructuosiisque versari , quām versa-
tus in ulla alia hactenus fuerim . *Ego dixi nunc*
capi. Ni mis ah , nimis distuli vivere , prout
verum , & fidelem DEI famulum decet . Stat
præcisa omni mora id nunc auspicari , & ità ,
ut , quod auspicatus hodierno die sim , nullo
subsequentium dierum non prosequar . Ne-
que deterreor , quia pluries aliàs cum magnò
animi ardore hoc idem aggressus , paulò post à
grandibus cœptis per ignaviam desciverim .
Multa die quoipam eveniunt , quæ priorum
dierum nullø evenêre . Et talem , certa fidu-
cia mihi est , itidem fore mei hujus propositi
eventum . Tu modò , DEUS optime maxi-
me , unica spes , & fortitudo tibi servientium ,

Q 3

præ-

præsentissima illa ope mihi adfis , qua invi-
 Etam adversùs mortem , & atrociores iosa
 inorte cruciatus , tot imbellium virguncula-
 rum teneritudinem præstitisti . Vides enim
 vero , nîl terreni lucri , sed unum duntaxat
 tuum obsequium , amoréinque hìc à me ex-
 peti . Quidni ergo in voluntate exequenda ,
 qua nullam ego possum justiorem , magisque
 tibi gratam concipere , corrobaturus imbecil-
 litateim meam sis ? Ah facies , procul dubio
 facies : & ego , quamvis per me nihil possim ,
 omnia per virtutem tuam potero . Tu es for-
 titudo mea , firmamentum , & refugium meum : qui
 doces manus meas ad prælium , & posuisti ut arcum
 æreum brachia mea . In te , Domine , speravi : non
 confundar in æternum .

5. Quantumcumque tamen , & efficax vi-
 deatur DEI servo hæc voluntas , qua post bre-
 vem nocturni soporis quasi obitum instaura-
 vit recentis vitæ suæ cursum ; non debet in
 ea omnino acquiescere , neque satìs illâ instru-
 ctum ad sui finis assecutionem se se arbitrari ,
 nisi perget conceptum à se charitatis ardo-
 rem fovere , & ad pristinam rursus , majorém-
 que adhuc vim excitare , tum ante opus quod-
 vis , tum in geminis conscientiæ examinibus ,
 quæ peragere , alterum manè , alterum vesperi
 folet .

folet. Et instauratio quidem singulis operibus ab eo præmittenda nihil erit aliud, nisi reiterare circa quodvis peculiare opus, in cuius procinctu est, illa voluntatis decreta, quæ manè circa suam illius diei vitam concepit; adeò ut ab eadem quām maximè DEO placendi voluntate impulsus, decernat juxta rationem capite antecedenti propositam, opus illud, à se aggrediendum, majori cum perfectione peragere, quām operatus unquam alias sit: purior nempe à criminibus, attentior ad exercitationem solidarum virtutum, penitiusque DEO adhærens; quām vel in illo eodem, vel in alio quovis opere ullis retro vitæ temporibus fecerit: cum eo diligentia, & sedulitatis conatu, quo illud ageret, si ex divina revelatione certus foret, illo opere expleto, nullum ipsi aliud vivendi, & operandi tempus restare: DEUM orans postremò, ut quemadmodum hanc sibi voluntatem infudit, sic & idoneas ad eam ritè exequendam vires adjiciat. Instauratio autem, duorum examinum propria, id ab ipso requirit, ut animadvertiscat, quām exactè antecedentium examinum decreta actu impleverit, matutina nempe in primo, & pomeridiana in secundo: tum reperto, negligentiorem alicubi se fuisse, peculi-

Q 4

culi-

culiares delicti illius causas indaget: ac postremò eadem rursus decreta, tum omnia, tum præsertim, quæ minus accuratè servavit, majori cum ardore animi in futurum tempus concipiat.

6. Nec dissimilis quotidianæ huic duorum examinum renovationi, hebdomadaria erit: cui nullum congruentius assignari posse tempus videtur, quam dies, quo Eucharistia sumitur, vel si quis hanc pluries in hebdomada accederet, Dominicus dies: nisi quod die illa, & vespera præente, diutius, majorique studio instituenda examina, & reiteranda erunt proposita, in quibus ea præcipue consistit. Adeò ut qui tunc renovare interiorem animi sui habitum vult, pridie per horæ circiter spatum perpendat, quoniam pater septeni exeuntis hebdomadæ dies traducti à se fuerint, quantum ad culparum fugam, ad exercitationem virtutum, ad puritatem propositi in operando, & intimam conjunctionem cum DEO, meliusne, an deterius, quam alii superioris hebdomadæ: & si deterius; num omnino, an secundum aliquam tantum partem: & undenam id vitii originem duxerit: num ex nimis libera cum hominibus consuetudine, an ex immodico profanæ alicujus

occu-

occupationis studio, an ex valetudinis imbecillitate, alióve casu: & quandonam, in medióne scilicet, an in fine hebdomadæ cœperit: & num prompto statim remedio occursum ei fuerit; an neglecta ejus curatio, permisumque, ut in sequentes item dies incorrectum, ac fortè etiam novis auctum incrementis, exierit. Ubi verò perspexerit, quid perperam gestum, & ubi emendatione sit opus, justum de præterita sua incuria dolorem, & consenteat huic voluntatem concipiat, melius auspicandi, transigendique subsequentem hebdomadam: & iis specialiter providendi, quorum causâ factum est, ut elapsam negligentiū traduxerit: concludens hos actus sacra exomologesi, & voluntaria aliqua corporis castigatione, præter multam, quæ à sacramenti Pœnitentiæ administro sibi fuerit imposita. Denique totam insuper sequentis Dominici diei meditationem ponat, in comparando se ad emendationem prædictam: & Eucharistiâ ritè suscepâ, Christo Domino intrâ se præsenti, quâm enixissimè potest, suæ hujus voluntatis successum commendet: resumens post hæc, cum novo animi vigore, & alacri vitæ sanctius in futurum ducendæ fiducia,

cia, ordinarios suos actus, perinde quasi tunc
primum famulari DEO inciperet.

7. Sed, quoniam diu conservare vivax
illud, & efficax DEO perfectè serviendi pro-
positum, in quo fructus penè omnis dictarum
renovationum consistit, non ita facile est,
nisi quis subinde ab hominum consuetudine,
& rerum externarum tumultu secedat, ad illa
quietius ruiminanda, mentique altius impri-
menda cælestis Philosophiæ placita, ex quo-
rum vivida apprehensione illud tanti mo-
menti propositum in anima oritur; necesse
erit, præter renovationes jam dictas, duabus
aliis, quarum initio hujus capitinis mentionem
fecimus, unâ menstruâ nimirum, annuâque
alterâ uti: feligendo in usum prioris unum
quovis mense, vel ultimum scilicet, vel quem-
piam alium ex maximè feriatis, & vacantibus
diem; pro altera verò denos, aut saltēm octo-
nos quotannis dies, eósque itēm liberos, & si
fieri posset, alicui ex celebrioribus anni Fe-
stis, putâ Nativitati, Resurrectioni Servatoris
nostrí, aut Spiritûs sancti solennibus prævios.
Circa modum harum renovationum duo mo-
nenda occurunt. Primum: die, seu diebus
ad ipsas sepositis abscedendum esse à qui-
buslibet tum rerum profanarum curis, tum
fami-

familiarium, & sociorum commerciis, quò totus in sacro illo otio æternis suæ animæ rationibus vacet, tamquam si nihil præter hoc negotium in vita haberet, nec aliis in mundo præter DEUM, atque ipsum existeret. Quanto enim se penitus à terrenis curis removerit, tanto fructuosiùs in propriis illius temporiis exercitiis mentem occupabit. Alterum: præcipua hujuscemodi exercitiorum tria esse: sedulam scilicet piorum librorum lectioni operam dare, perattenta rerum divinarum meditatione, ad ternas, vel quaternas in die horas animum pascere, ac denique, juxta formam paulò ante propositam, secum dispicere, quonam pacto illum mensem, vel annum traduxerit: iterando majori cum efficacia priora decreta, à quibus opere implendis aliquatenus se viderit descivisse: statuēdo, quibus uti peccularibus præsidiis debeat, ut eadē facilius, atque exactius in posterum servet, & prodeat ex illo spirituali secessu, instar hominis penitus novi, cum ingenti animo, & firma spe, perfectius sequenti mense, aut anno vivendi. Ubi notandam diligenter existimo firmam illam spem melioris successus, qua dixi deberem ipsum indè egredi, esse conditionem majoris, quam permultis videatur, momenti. Nam

CON

contingere facilè potest, ut animadveriens quispiam, minus se, quam sperabat, ex his renovationibus frugis referre, quatenus eas, præsertim quotidianas, vel usurpare interdum negligit, vel remisso, & oscitanti animo usurpat: ideoque pluribus jam hebdomadis perfectæ charitatis studium in se admodum elanguisse, & hodierno die languidius, quam hesterno esse; incipiat de propositi sui eventu diffidere: quantoque de hoc plus diffidit; tanto segniorem illi operam navet: cuius segnieti causâ magis, ac magis in eo divinæ charitatis fervor decrescat: & hoc decrescente tanto magis diffidentiæ torpor augeatur: non absque periculo, nè miser, dum tot suos pro perfectione divini amoris conatus cadere in irritum cerhit; post aliquod tempus si minus expressè, saltèm practicè apud se statuat, opus eam esse suis viribus majus, omnemque illius demum uti spem, ita etiam cogitationem abjiciat. Quapropter cavendum nobis maximopere est, nè propter ulla nostræ imbecillitatis exprimentia, animos in spirituali via despondeamus; sed post quotcunque lapsus, nova semper cum alacritate surgamus: & pro eo, ut nos diffidentiæ permittamus, quanihil nostro profectui potest esse adversarium

ma-

magis; configiamus potius ad postremam
spiritualis fervoris instaurationem, quam, ve-
luti incerti temporis, post alias ordinarias su-
prà nominavi, & hìc tandem describere ag-
gredior: minimè dubitans, quin si his auxiliis
utemur; pro nostra in iis adhibendis sedulita-
te, vel omnino assecuturi eorum finem simus,
vel ad illius perfectionem propius semper,
propiusque accessuri; vel (si parcissimè fru-
ctus respondeat) saltè in minus longè ab hac
remansuri, quam si eâ uti penitus neglige-
remus.

8. Præter renovationes igitur quotidiana-
nas, hebdomadarias, menstruas, & annuas, de
quibus actum jam est, una adhuc restat, nullius
certi temporis propria, sed tunc solummodo
instituenda, cùm extraordinaria, & peculiaris
illius urget necessitas: nimirum quando ali-
quis, eò quòd longiusculo tempore quotidiana
DEO perfectè inserviendi, decreta vel in-
staurare omiserit, vel frigidè, & consuetudi-
nis tantùm causâ id fecerit, experitur se in
perfectionis studio remissum, facilem in cul-
pas prolabi, segnem ad exercitia virtutum,
terrenis rebus inordinato affectu adhären-
tem, orationique, & amicæ cum DEO con-
suetudini minimè idoneum: neque hic animi
habi-

habitūs, & vivendi tenor patiorum dierum
res est; sed plures iam hebdomadas tenet, & de-
mense in mensē progreditur, nō modò nul-
lum ostendens emendationis initium, verū eti-
am timendi occasionem præbens, nè si con-
firmari sinatur, in consuetudinem vix deinde
evelendam abeat. Quid tunc DEI servum
facere oportet, si se ita affectum cognoverit?
Remedia nim̄um præsenti suo statui quām
maximè opportuna prospicere debet; neque
verò opportunius facilè aliud inveniet, quām
si uno, alterōve, aut pluribus diebus in hanc
unicè curam sepositis, attentè expendat, quām
gravis, & periculosus sit ille animi morbus: se-
riam ab eo se purgandi voluntatem concipiat,
solerter inquirat, unde originem duxerit, pro-
priāmque nactus mali radicem (quæ potissi-
ma totius curationis pars est) peculiares illius
extirpandæ rationes decernat: adeò, ut, si
deteriorem suum statum ex inquieta terreni
alicujus, minimeque necessarii boni cupidi-
ne ortum esse deprehenderit, ad hanc excin-
dendam, perpetuum bono illi nuntium re-
mittat, omnique ejus usu interdictum sibi in
posterum velit; si ex nimiis occupationibus,
intrà breviorem modum has redigat: si ex li-
beraliori cum hominibus consuetudine; ju-

stos

stos huic quoque in futurum limites statuat : si ex minùs vivida cognitione veritatum cælestium ; largius ad aliquot subsequentes hebdomadas ordinariæ meditationi , & lectioni spirituali tempus assignet : si ex immodica foven- di corporis cura , usitatis hujus afflictationibus novas , & extraordinarias adjiciat : nec se- cùs , si alias esse animadverterit mali sui cau- fas . Tum verò , post præscripta id genus re- media , DEUM quām instantissimè oret , ut pristinum sibi charitatis fervorem pro pater- na sua benignitate restituat : *Cor mundum crea- in me DEUS , & spiritum rectum innova in visceri- bus meis . Redde mihi lætitiam salutaris tui , & spiritu principali confirma me : firmissimaque spe adfuturi sibi illius auxilii concepta , familiare suum , ipsi uni serviendi propositum , quanta maxima cum efficacitate potest , coram eo in- flauaret : ac demum , quæ retro sunt obliscens , idea , quæ priora sunt , extendens seipsum , non aliter , quām si tunc primū DEO famulari inciperet , recenti cum conatu , alacritate , & vigore , ab ea ipsa actione , quam initurus proximè est , perfectæ illius servitutis cur- riculum repetat.*



CA-